



Yàlla mu baarkeel mi te kawé day wax waa àjjana: éey yéen waa àjjana? Ñu ne ko wuyusi nanu la topp nañu la ak mbegte, mu ne leen: ndax gërëm ngeen? Ñu ne ko: lu ñuy teree gërëm te nga jox nu loo joxul kenn ci sa mbindeef yi?

Jële nañu ci Abuu Sahiid Al-Xudriyu -yal na ko Yàlla dollee gërëm- mu wax ne: Yonnente Yàlla bi -yal na ko Yàlla dolli xéewal ak mucc- nee na: "Yàlla mu baarkeel mi te kawé day wax waa àjjana: éey yéen waa àjjana? Ñu ne ko wuyusi nanu la topp nañu la ak mbegte, mu ne leen: ndax gërëm ngeen? Ñu ne ko: lu ñuy teree gërëm te nga jox nu loo joxul kenn ci sa mbindeef yi? Mu ne leen: dama leen di jox lu gën loolu, ñu ne ko: yaw sunu Boroom, ana lan moo gën loolu? Mu ne leen: wàcce naa sama ngërëm ci seen kaw, dootuma leen mere ba fàww".

[Wér na] [Al-buxaariy ak Muslim dëppoo nañu ci génnee ko ci seen ñaari téere yi gën a wér]

Yonnente bi yal na ko Yàlla dolli xéewal ak mucc day xibaare ne Yàlla day wax waa àjjana fekk ña nga ca biir: yéen waa àjjana, ñu wuyu ko ne ko: wuyusi nanu la ak mbegte yaw sunu Boroom, Mu ne leen: ndax gërëm ngeen? Ñu ne ko: waaw gërëm nanu; ana lan moo nuy teree gërëm te nga jox nu loo joxul kenn ci sa mbindeef yi! Yàlla ne leen: ndax dama leen jox lu gën loolu? Ñu ne ko: yaw sunu Boroom, ana lan mooy li gën loolu?! Mu ne leen: damay wàcce ci yéen sama ngërëm luy sax; te dootuma leen mere baa fàww.

<https://sunnah.global/hadeeth/wo/show/8343>

